

**FOKONTANY APANDRASOA CR MAHASOA DISTRIKAN' IHOSY ..**

**Namono olona indray ny zandary**

Nitrangana vono olona indray tao amin'ny fokontany Apandrasoa distrikan' Ihosy ; Naneho ny alahe-lony ny fianakavianana niantara ny zava-nisy tany antoerana . Ambin-trosa tsy voaloha ve no namonoan'ny zandary ny havanay ? hoy ireo Fianakavianana mitantara Voalaza fa nosamborina noho ny resaka trosa ity olona voatifitra ity . Efa voahefa

ny 80% n' io trosa io fa kely sisa tavela,ka netina tany amin'ny brigade GN mahasoazy. Marihina fa ny Zoma harivariva dia nanatitra sakafo ny vinanto lahiny,de nanome sakafo azy tao amin'ny birao dia navoaka ny garde izy .Afaka kelikely de nangataka nipipi izy de niteny ilay garde hoe sao dia hilefa anao ? dia namaly izy fa tsy hilefa aho . Izaho vinanto lahiny

anefa amin'io tonga teo antokon- tany ilay hoe hanatitra sakafo , tonga dia poa -basy no henoko sady nangovitra aho, Nojereko fa i Tondra mitsirara amin'ny tany teo Ambodisakoa ny birao no hitako. Tonga avy tany moa le chef nitifitra azy nidaroka ahy niaraka tamin' ny namany miisa 6 teo angamba zay raha tsy diso aho nandaroka ahy ary nanery ahy hoe ma-

neke anao fa ataovy nilefa i Tondra ka izay no nitifirana azy. .Miangavy ny Fitondram-panjakana mba hijery akaiky ity raharaha ty fa tena mapalahelo ny mahazo ny madinika indrindra moa ianao Atoa SEG, jereo akaiky ty raharaha ty fa lasa fanonon'ny zandary ty mitifitra olona tsy manan-tsiny ity hoy ny fianakavian'ny maty .

**Ny Valosoa**

**Distrikan'ny Morondava**

**Zandary iray sy dahalo 13 no maty**

Nandritry ny fifandonana teo amin'ireo dahalo sy ny mpitandron'ny filaminana tao Ankilimanintsy-Bezaky kaominina ambanivohitra . Analaiava izay tohin'ilay fanafihana nahafaty terantany vahiny ny zoma faha 02 Septembre lasa teo tao amin'ny fokotany Akijabe kaominina ambanivohitra Bemanonga dia zandary kilasy ambony iray antsoina hoe Ralay Roberto no lavo teo ampanan-tanterahana ny iraka nampanaovina azy izay namela mananon-tena iray sy kamboty roa vavy . Miaramila kilasy faha 2 iray ihany koa no naratra voatifitra tamin'ny tongony. Andanin'izay, dahalo miisa 13 no lavon'ny mpitandron'ny filaminana ary omby 85 tamin'ireo 160 lasan'ny dahalo no efa tafaverina . Tsy nentin'ireo dahalo ny basin'ilay zandary voatifitra fa ny chargeur izay mbola nisy bala no nentin'izy ireo. Efa nisy



*Ilay zandary lavo.*

ny "renforts" manampy ireo mpitandron'ny filaminana miady amin'ireo dahalo amin'izao saingy mbola ireo ao amin'ny faritra Menabe ihany. Tsotra ny tarigetran'ny mpitandron'ny filaminana , fa tsy maintsy rava ity andihan-dahalo ity ary tsy maintsy tafaverina ireo omby rehetra na dia sarotra aza ny ady , satria dia maro ireo dahalo izay efa mahatratra 60 ny isany . Araky ny vaovao heno any antoerana aza dia efa misy naman' ireto fa-

rany koa ho avy hanampy azy ireo amin'ny ady hifanandrinana amin'ny mpitandro filaminana , sady mitondra fitaovam-piadiana mitovy amin'ny mpitandron'ny filaminana izy ireo, satria dia hita fa balan'ny kalack no nahavoia ilay miaramila voatifitra .Vokatry'izay dia nandray fepetra avy hatrany ny eo anivon'ny OMC izay notarihin'ny Prefet ka tsy azo atao ny mivezivezy amin'ny alina ao amin'ny distrikan'i Morondava sy Mahabo manomboka hatramin'ny enina ora maraina ary tsy maintsy mitondra karam-panondro avokoa ireo mivezivezy ao amin' ireo distrika roa ireo satria hisy ny fisavana . Etsy ankilany dia mitaraina ireo vahoaka sy ireo mpanandraha manoloana io fepetra io satria dia maro ireo fiveloman'ny olona no simban'io fanampahan-kevitra io toy ny an'ireo mpitatitra izay tsy afaka

miasa amin'ny alina , nefa dia maro ireo mila bajaja amin'ny alina. Eo koa ireo olona izay tonga amin'ny alina amin'ny taxi brousse satria dia amin'ny folo ora alina ireo taxi brousse vao tonga . Ao koa ireo hamonjy fiaingana vao maraina be satria dia amin'ny 3 ora maraina no fihangana. Ireo marary tampoka moa dia efa tsy lazaina intsony , ireo tranon'ny fandraisam-bahiny sy filanonana moa izay vao manomboka miarin-doha vokatry ny krizy nateraky ny Covid dia mizaka ny mafy amin'izao fanampahan-kevitra jadona izao . Koa manao antso avo izy ireo fa ny fahazavana ihany no vaha olona ka tokony hatao izay handehanan'ny jiro amin'ny alina satria efa ho telo volana izao dia tsy misy jiro mirehitra Morondava manomboka amin'ny sivy ora alina ka hatramin'ny 6 ora maraina.

**Ny Valosoa**

**Mahajanga**

**Tratran' ny polisy ny lehilahy mpanolana sy mpanindron'antsy vehivavy**

Lehilahy mpanolana sady mpanindrona antsy vehivavy no traha -tehaky ny polisy tao Mahajanga. Milaza mahita asa ho an'ireo tovovavy mipe-traka ao Mahajanga ity lehilahy ity . Rehefa tafare-

saka amin' ireo tovovavy izy dia hainy ny mandresy lahatra azy ireo ary mody entiny any amin'ilay toeram-piasana, kanefa ho entiny any amin'ny toerana mangingina. Rehefa tonga ao amin'ilay toe-

rana indray dia tereny hanao firaisana ara-nofa aminy ilay vehivavy , ka raha mamaly azy dia tsindrominy amin'ny antsy ny tendan'ilay olona, ary nisy ireo vehivavy niharan'izany. Vita ny ataony dia ale-

fany mandeha ilay vehivavy ary alainy ny findainy . Fitoriana miisa 03 no azon'ny polisy mahakasika ity lehilahy 27 taona ity ary tratra ihany izy ny farany.

**Helisoa**

**Taom-pianarana 2022-2023**

**Nanomboka omaly ary hifarana ny 23 jona 2023**

Nanomboka omaly 5 septambra, ka tsy hifarana raha tsy ny 23 jona 2023 ny taom- pianarana vaovao 2022-2023. Amin'ity taom-pianarana ity, hizarana ho 2 volana 5 ny taom-pianarana amin'ity indray mitoraka ity, ny 2 volana voalohany dia nanomboka omaly 5 septambra, ka tsy hifarana raha tsy ny 28 oktobra 2022. Ny roa volana faharoa dia hanomboka ny 7 novambra 2022, ka hatra-

min'ny 23 desambra 2022. Ny 3 volana faha-3 hanomboka ny 9 janoary 2023 ka hatramin'ny 24 febroary 2023. Ny andron'ny sekoly dia hatao amin'io telovelona faha-3 io: ny 22 ka hatramin'ny 24 febroary 2023. Ny 2 volana faha-4: ny 6 martsa 2023 ka hatramin'ny 7 aprily 2023 ary ny 2 volana faha-5 farany: ny 24 aprily 2023 ka hatramin'ny 23 jona 2023. Ireo fotoam-pialan-tsasatra

kosa amin'ity taom-pianarana ity: fialan-tsasatry ny Fetin'ny Olo-masina: ny 29 oktobra ka hatramin'ny 6 novambra 2022. Fialan-tsasatry ny Noely: ny 24 desambra ka hatramin'ny 8 janoary 2023. Fialan-tsasatry ny andron'ny sekoly : ny 25 febroary ka hatramin'ny 5 martsa 2023. Fialan-tsasatry ny Paska: ny 8 aprily ka hatramin'ny 23 aprily 2023. Ary ny fialan-tsasatra lehibe amin'ity taom-piana-



**Ny ministeran'ny fanabeazam-pirenena etsy Anosy.**

rana vaovao ity : hanomboka amin'ny 24 jona amin'ny taona ho avy.

**Aly**

Mpiasan'ny Ivontoeram-pirenena momba ny statistika (INSTAT)

**Mitaky ny ho raisina ho mpiasam-panjakana Ireo mpiasa "Contractuel"**

Nidian'ireo mpiasa "Contractuel" ny vavahadin'ny Instat ivon-toeram-pirenena momba ny statistika ny alatsinainy maraina lasa teo nentiny nanehoany ny hatezerany sy hanairana ireo mpitantana eo anivon'ny Instat mba hamaly ny fitakian'ireo mpiasa. Nilaza ny solontenan'ny mpiasa "Contractuel" ao amin'ny Instat fa tsy mitovy intsony ny fitantanana ny mpiasa ataon'ny tompon'andraikitra eo anivon'ny Instat ary tsy misy fanajana ny zon'ny mpiasa akory. Nandray fanazavana ny solontenan'ny mpiasa fa mitaky ny fandoavana manontolo ny volan'ny Cnaps ho an'ny mpiasa sy ny fitovian'ny mari-karama ho an'ny mpiasa rehetra ary mitaky ny hampidirana ny mpiasa "Contractuel" ho mpiasam-panjakana satria efa nanompo ny Intsat nandritran'ny taona maro ireto farany. Nilaza Andriamatoa Romalahy Zefania Isaora Tale jeneralin'ny Instat fa tsy ara-dalana velively ny fitakiana ataon'ireo mpiasa "Contractuel" ireo satria "Contrat à durée Indéterminée" no nifanarahana niaraka tamin'ny Instat fa tsy fampidirina an'ireto mpiasa ireto ho lasa mpiasam-panjakana. Vokatry'izany tsy misy idiran'ny Fanjakana hoy izy ny fifanarahana fa ny "Regime de droit privé" no mifehy an'izany. Nandray fanazavana ny Tale jeneralin'ny Instat fa voafehin'ny lalàna mikasika ny asa ny "Contrat à durée indéterminée" ary azo atao tsara ny mampitsahatra ny fifanarahana raha toa ka tsy afa-po ny roa tonta. Nanamafy Andriamatoa Romalahy Zefania Isaora fa tokony nanao fangatahana hiditra ho mpiasam-panjakana eo anivon'ny Ministera mpiahy ireto mpiasa "Contractuel" ireto raha tiana ny hiditra ho mpiasam-panjakana ary efa nohazavain'ny tompon'andraikitra eo anivon'ny Instat nandritran'ny fifampiresahana natao niaraka tamin'ny mpiasa. Tsihivina fa miisa 171 ireo mpiasa "Contractuel" eo anivon'ny Instat ary miantso ny filoham-pirenena ireto farany hijery akaiky ny hetahetan'izy ireo.

**Franck Razakambelo**

**Fintina FANATANJAHANTENA**

**Akio U 18 tany amin'ny CAN Handball 2022**  
**Laharana faha-4 farany tao amin'ny vondrona B**  
Niharana faharesena fahatelo tamin'ny zoma 03 septambra 2022 lasa teo ny Akio U 18 Malagasy tamin'ny fifaninanam-bondrona ny fifaninanana CAN Handball sokajy U 18 notontosaina tany Rwanda , satria lavon'ny ekipam-pirenena Egiptiana 64-14 indray ry zareo tamin'io fihonana faha-3 natrehany io. Vokany : laharana faha-4 farany no nisy ny Akio U 18 Malagasy tao amin'ny vondrona B nisy azy Niatrika ny fiadiana-toerana tsy hahalalahana farany azy eo amin'ity fifaninanana ity ny Akio omaly alatsinainy 05 septambra 2022 ka io no hamaritry ny mety hiarovana ny voninahitry Madagasikara solon'izy ireo tena. Marihana fa anio talata 06 septambra 2022, any Kigali Rwanda no ho tanterahina ny lalao famaranana eo amin'ity fifaninanana ity ka hifanandrinan'ny ekipam-pirenena'i Rwanda mpampiantrano sy ny ekipam-pirenena'i Egipte. I Rwanda dia nandava an'i Maroc tamin'ny moka fohy 35-34 teo amin'ny ankatoky ny famaranana ary Egipte kosa nanamontsana an'i Burundi 66-22.

**Volley ball 1D F sy 1DM ary U 16 Filles sy U 16 Garçons**  
**Fifaninanam-pirenena mamarana ny taom-pilalaoavana 2022**

Ho tanterahina amin'ny 10 ka hatramin'ny 18 septambra 2022 ho avy izao ny fiadiana ny ho tompondakan'i Madagasikara 2022 sokajy 1D F sy 1DM sy ny fiadiana ny amboaran'i Madagasikara 2022 sokajy U 16 zatovovavy sy U 16 Zatovolaha taranja volleyball izay samy ho tontosaina eto Antananarivo avokoa no hamaranana tanteraka ny taom-pilalaoavana volleyball 2022. Ekipa 6 no handray anjara amin'izany eo amin'ny sokajy U 16 zatovovavy ka ahitana ny ekipa'ny Asi Analamanga, Bi'As Analamanga, Evbi Ihorombe, Vbcd Analamanga ary ny Rvb Analamanga. Ekipa 4 kosa no hifanandrina eo amin'ny sokajy sy U 16 zatovolaha izay misy ny Gnvb Analamanga, Bi'As Analamanga, Asi Analamanga ary ny Evbi Ihorombe. Hoan'ny sokajy 1DF indray dia ekipa mahatratra 11 no handray anjara amin'ny fifaninanana : Steff Auto Atsinanana, Bi'As Analamanga, Gnvb 1 Analamanga, Gnvb 2 Analamanga, Asi Analamanga, Squad Analamanga, Mvbc Boeny, Ankoay Vb Anôsy, Evbi Ihorombe, Ecvb Atsinanana ary Amvb Analamanga. Hoan'ny sokajy 1DM farany dia mbola ekipa 11 ihany koa ireo handray anjara amin'ny fifaninanana (Mami Atsinanana, Cosfa Analamanga, Gnvb 1 Analamanga, Gnvb 2 Analamanga, Pole Gnvb Analamanga, Mama Vbc Analamanga, Assm Analamanga, Evbi Ihorombe, Asi 1 Analamanga, Asi 2 Analamanga, Cvbf Atsimo Atsinanana.

**Nangonin'i Rainilita**